

Ysgol I.D. Hooson
Heol Caradog
Rhosllannerchrugog
LL14 2DX
Ffôn: 01978 832950
Ffacs: 01978 832955
e-bost: mailbox@hooson-pri.wrexham.sch.uk



YSGOL I.D. HOOSON

Medi 10fed, 2020

GWYBODAETH BWYSIG I BAWB

Annwyl Rieni / Gofalwyr,

Yn gyntaf, hoffwn ddiolch i bawb am eu cydweithrediad yn ystod wythnosau cyntaf y tymor newydd. Hoffwn hefyd ganmol y plant am y ffordd y maent wedi ymateb i'r trefniadau dychwelyd. Mae'r sefyllfa wedi bod yn un heriol a rhyfedd i bawb. Er bod y trefniadau yn gyffredinol wedi rhedeg yn gymharol esmwyth, hoffwn dynnu eich sylw tuag at rai pethau pwysig i chi gofio, a fydd yn cyfrannu ymhellach tuag at ein hymdrechion i sicrhau diogelwch pawb, yn arbennig wrth i'r holl blant ddychwelyd o ddydd Llun y 14eg ymlaen.

Cyrraedd / Gadael ysgol / Parcio - Byddwch wedi sylwi ein bod wedi gwneud rhai newidiadau i'n hamserlen ddyddiol. Un o'r prif resymau am hyn yw ceisio lleihau y nifer o rieni/gofalwyr sydd yn cyrraedd safle'r ysgol yr un amser ac i hwyluso trefniadau traffig. Gofynnwn i bob rhiant/gofalwr i sicrhau nad ydynt yn cyrraedd yr ysgol **dim mwy na 5 munud** cyn amser cychwyn a gorffen eich plentyn. Gweler amseroedd y sesiynau, sydd wedi ei rhannu efo chi yn flaenorol.

8.55 - CA2 (Bl. 3/4/5/6) - Cychwyn

3.00 - CA2 (Bl. 3/4/5/6) - Gorffen

9.15 - Derbyn / Blwyddyn 1 / Blwyddyn 2 - Cychwyn

2.45 - Derbyn / Blwyddyn 1 / Blwyddyn 2 - Gorffen

Gofynnir i bob rhiant/gofalwr adael safle'r ysgol yn brydlon ar ôl gollwng y plant i ffwrdd ac ar ôl casglu'r plant ar ddiwedd y dydd.

Casglu plant o'r buarth - Erbyn hyn dylai'r rhan fwyaf ohonoch fod yn gyfarwydd gyda'r trefniadau o gasglu eich plentyn o fuarth yr ysgol. Oherwydd rhesymau diogelwch, ac yn ein hymdrechion i leihau y niferoedd sydd ar y buarth yn ystod y cyfnod prysur hwn, hoffwn eich atgoffa mai **dim ond UN oedolyn/riant a ddylai ddod i gasglu'r plentyn o'r buarth**. Unwaith eto, gofynnwn i bawb ymadael a'r buarth yn syth ar ôl casglu'r plentyn, gan ddilyn y llwybr un ffordd. Dylai fod eich plentyn yn aros gyda chi ar ôl cael ei ryddhau gan yr athro/awes, gan osgoi mynd i chwarae efo plant eraill, yn arbennig plant o swigod grwpiau oedran gwahanol.

Gofynnir i bawb barchu reolau ymbellhau cymdeithasol, gan gadw pellter diogel oddi wrth eraill pan yn casglu plant.

Glanhau dwylo - Mae gennym offer glanhau dwylo yn yr ysgol. Os yw eich plentyn yn dymuno dod a hylif golchi dwylo ei hun, yna caniateir iddo ef/hi wneud hynny, ond gofynnwn i'r plant beidio rhannu y rhain gydag eraill.

Salwch / Symptomau - Os yw eich plentyn yn teimlo yn sâl, neu yn dangos symptomau Covid-19, yna ni ddylai ef/hi fynychu'r ysgol. Dylai ef/hi aros adref hyd nes y mae ef/hi yn teimlo yn well. Os yw eich plentyn, neu unrhyw aelod arall o'r teulu yn dangos symptomau o Covid-19, dylid gwneud trefniadau i gael prawf. Bydd angen i chi hysbysu'r ysgol os yw'r camau hyn wedi ei gymryd.

Dysgu o bell - Yn ystod y cyfnod clo, bu'r plant yn gwneud defnydd o gyftri llwyfan dysgu HWB personol ar lein i'w cefnogi gyda'r dysgu o adref. Bydd eich plentyn yn parhau i wneud defnydd o'r adnodd, ac yn achlysurol bydd yr athro dosbarth yn gofyn i'r plant gwblhau gwaith cartref drwy ddefnydd o'r cyfrif HWB. Gan ein bod yn parhau i fod mewn cyfnod bregus ac ansicr iawn o ran Covid-19, mae angen i ni fod yn barod i ymateb i sefyllfa ble y bydd angen cau yr ysgol ar gyfer grwpiau penodol o blant. Os byddwn yn wynebu sefyllfa o'r fath, yna bydd yr athro dosbarth yn cydlynnu'r dysgu drwy gyftri HWB y plentyn. Mae'r athrawon yn barod wedi bod yn ymgyswngtu'r plant gyda'i cyftri HWB yn y dosbarth, ac felly y gobaith yw y bydd y plant yn gallu troi at ei hwn os yw sefyllfa yn codi.

Cinio ysgol - Mae cinio ysgol ar gael, ac yn cael ei weini yn neuadd yr ysgol ar amseroedd gwahanol ar gyfer grwpiau oed gwahanol. Ar hyn o bryd mae'r fwydlen wedi newid, copi ynghlwm, gydag Wythnos 1 yn cychwyn dydd Llun 14/9/20. Bydd angen talu cinio ysgol trwy'r system dalu ar-lein. Os ydych chi angen cyfeirnod eich plentyn i ddefnyddio'r system, cysylltwch â swyddfa'r ysgol ar mailbox@hooson-pri.wrexham.sch.uk

Cyfathrebu - Cofiwch gadw golwg allan ar wefan yr ysgol, Schoop, safle Trydar yr ysgol, yn ogystal â App yr ysgol ar gyfer gwybodaeth a newyddion allweddol.

Byddem yn gwerthfawrogi a byddai o gymorth mawr pe byddai rhieni/gofalwyr yn sicrhau fod y wybodaeth uchod yn cael ei gyfathrebu gydag unrhyw oedolion eraill sydd gyda chyfrifoldeb am ddod a'r plant i'r ysgol neu gasglu'r plant o'r ysgol. Unwaith eto hoffwn eich atgoffa i gysylltu os oes gennych unrhyw gwestiwn neu bryder. Cysylltwch gyda'r athro/awes ddosbarth am unrhyw ymholiad ynglŷn â'r gwaith, neu gyda'r swyddfa mailbox@hooson-pri.wrexham.sch.uk am unrhyw ymholiad cyffredinol.

Diolch am eich cydweithrediad a'ch cefnogaeth barhaus

Yn gywir,

Mr Rhodri Jones

Pennaeth